



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09, 18/13 i 23/24), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2024. godini broj: 02-04-7734-42.1/24, utvrđen Zaključkom Vlade Kantona Sarajevo broj: 02-04-7734-42/24 od 07.03.2024.godine i Programom o izmjenama i dopunama Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, broj: 02-04-36792-1.1/24, utvrđen Zaključkom Vlade Kantona Sarajevo broj: 02-04-36792-1/24 od 16.07.2024. godine, o b j a v l j u j e;

“ JAVNI POZIV NEZAPOSLENIM OSOBAMA

DA SE PRIJAVE ZA UČEŠĆE U PROGRAMU „PODRŠKA ZAPOŠLJAVANJA ZA NOVOOSNOVANE POSLOVNE SUBJEKTE“

I

U cilju realizacije Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba), poziva nezaposlene osobe sa evidencije nezaposlenih u Kantonu Sarajevo da se prijave za učešće u Programu zapošljavanja Program podrške zapošljavanja kadrova za novoosnovane poslovne subjekte (U daljem tekstu: Program) koji realizuje se zapošljavanjem nezaposlenih osoba sa evidencije nezaposlenih u Kantonu Sarajevo kod poslodavaca registrovanih u 2024. godini u Kantonu Sarajevo. Svrha Programa je da olakša novoosnovanim poslovnim subjektima proces zapošljavanja, pružajući im potrebne resurse i podršku.

Cilj Programa je obezbjeđenje potrebne kvalifikacione strukture radne snage i kraće trajanje nezaposlenosti odnosno povećanje broja zaposlenih u novootvorenim preduzećima, poboljšanje ekonomskih uslova u lokalnoj zajednici kao i promociju preduzetništva i inovacija.

II

Služba će poslodavcima koji budu obuhvaćeni ovim Programom, refundirati sredstva na mjesečnom nivou po novouposlenoj osobi VSS i VŠS stručne spreme iznos od 1.500,00 KM, zatim na mjesečnom nivou po novouposlenoj osobi SSS i KV iznos od 1.200,00 KM te iznos od 1.000,00 KM za NK, PK i NSS a sve u ukupnom trajanju 12 mjeseci.

III

U Programu pravo učešća imaju sve nezaposlene osobe prijavljene na evidenciju nezaposlenih u Kantonu Sarajevo prije aplikacije poslodavca na javni poziv bez obzira na dob, spol, zanimanje/stepen stručne spreme, sa i bez radnog iskustva/staža, te poslodavci registrovani u 2024. godini u Kantonu Sarajevo.

IV

Nezaposlene osobe koje ispunjavaju uslove, dužne su u Službi ili putem web stranice Službe preuzeti Vaučer za posao i pronaći poslodavca koji će ih zaposliti i kojem predaju Vaučer za posao na dalje postupanje.

Poslodavci koji žele učestvovati u Programu dužni su dostaviti sve u originalu ili ovjerenoj fotokopiji:

- a) aplikaciju za učešće u Programu,
- b) rješenje o registraciji u Kantonu Sarajevo a za pravna lica koja su u skladu sa Zakonom obavezna izvršiti upis u sudski registar, dostaviti aktuelni izvod iz sudskog registra u Kantonu Sarajevo koji ne smije biti stariji od 60 dana od dana podnošenja prijave na javni poziv,
- c) uvjerenje o izmirenim obavezama po osnovu poreza i doprinosa ne starije od 60 dana od dana prijave na javni poziv (izdat od strane Porezne uprave Federacije Bosne i Hercegovine),
- d) uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) ne starije od 60 dana od dana podnošenja prijave na javni poziv,
- e) vaučer/e za posao popunjen/e od strane nezaposlenih osobe/a i poslodavca.

U Programu ne mogu učestvovati:

- a) Poslodavci koji redovno ne izmiruju obaveze uplata javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje BiH ukoliko je poslodavac PDV obveznik o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje BiH ili uvjerenje da poslodavac vrši uplate po potpisanom ugovoru.
- b) Poslodavci koji nemaju nijednog radnika ili osobu prijavljenu u radni odnos.

V

Poslodavci korisnici Programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika ili isteka ugovora o radu na period na koji je sklopljen a do okončanja ugovora o sufinansiranju.

Poslodavcu se neće sufinansirati zapošljavanje osoba koje je već zapošljavao, a kojima je prestao radni odnos kod tog poslodavca u posljednja 3 mjeseca do dana objave javnog poziva za ovaj Program.

Izuzetno, odredbe prethodnih stavova ovog člana ne odnose se na poslodavce iz javnog sektora.

VI

Javni poziv za Program ostaje otvoren do utroška sredstava, a najduže 6 mjeseci od dana objave uz mogućnost prekida i prije 6 mjeseci, a odobravanje aplikacija po Programu vršit će se prema vremenu i redoslijedu zaprimanja na protokolu Službe.

Poslodavci mogu odmah nakon podnošenja aplikacije zaposliti osobe sa vaučera na vlastitu odgovornost i teret, a refundacija sredstava teče od dana potpisivanja ugovora o sufinansiranju, te poslodavcima korisnicima Programa može se omogućiti zapošljavanje zamjenske osobe ukoliko je prvobitno zaposlena osoba samoinicijativno raskinula ugovor o radu a čiji vaučer ima istu kategoriju kao prethodno zaposlena osoba.

Rok za realizaciju Programa je 18 mjeseci od dana potpisivanja pojedinačnih ugovora, uključujući i eventualne anekse ugovora. Izuzetno, rok za realizaciju Programa može se produžiti usljed nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili zbog korištenja porodiljskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, o čemu će poslodavac blagovremeno obavijestiti Službu te dostaviti relevantne dokaze o prethodno navedenom.

VII

Obrasci za podnošenje Aplikacija i Vaučeri za posao mogu se dobiti u Službi u Odjeljenju za podsticajne mjere zapošljavanja ili putem web stranice Službe, ulica Đoke Mazalića 3, kancelarija br.15/I, općinskim biroima ili preuzeti sa web stranice Službe www.szks.ba.

Nepotpuni i neblagovremeni zahtjevi neće se uzeti u razmatranje, a Služba neće vršiti povrat zaprimljene dokumentacije.

VIII

Rezultati ovog javnog poziva biće objavljeni na web stranici Službe.

IX

Aplikacije sa potrebnom dokumentacijom, podnose se neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, ulica Đoke Mazalića broj 3, u zatvorenoj koverti sa napomenom: „Za Program zapošljavanja za novoosnovane poslovne subjekte“.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-127.